



XUNTA DE GALICIA

CONSELLERÍA DE EDUCACIÓN E ORDENACIÓN UNIVERSITARIA  
**C.E.I.P. «O RAMO»**

Pablo Ares Feal, 28. 15528 Barallobre - Fene (A Coruña) • Telf./Fax 981 360 661  
Correo Electrónico: ceip.oram@edu.xunta.es - Web: <http://centros.edu.xunta.es/ceiporam>



## CIRCULAR AXUDAS LIBROS DE TEXTO

A Consellería ven de convocar axudas para a adquisición de libros de texto destinadas ao alumnado matriculado en 1º, 2º, 4º e 6º de **educación primaria**, en 1º e 3º de **educación secundaria obrigatoria** ou en **educación especial**, en centros sostidos con fondos públicos da Comunidade Autónoma de Galicia, no curso escolar 2015/2016 (Orde de 22 de maio do 2015, DOG 01 de xuño).

### Lugar de presentación.

As solicitudes, segundo o **anexo I** á orde de convocatoria, entregaranse **nos centros docentes** nos que estea matriculado o alumnado. Presentarase **unha solicitude por cada alumno ou alumna**, de xeito que se un solicitante ten varios fillos ou fillas matriculados nas ensinanzas obxecto da convocatoria, deberá presentar unha solicitude para cada un deles, xa sexa no mesmo ou en distinto centro. As axudas serán solicitadas polos pais, nais, tutores ou representantes legais do alumnado.

### Requisitos.

1. Ser pai/nai/titor ou titora legal do alumnado matriculado nun centro sostido con fondos públicos da Comunidade Autónoma de Galicia durante o curso escolar 2014/2015.
2. Non estar incurso nas prohibicións para obter a condición de beneficiario, recollidas no artigo 10 da Lei 9/2007, do 13 de xuño, de subvencións de Galicia.
3. Para o alumnado de educación primaria e educación secundaria obrigatoria ter unha renda per cápita familiar **igual ou inferior a 9.000 euros**.
4. **Ter devoltos os libros de texto ou material reutilizable adquirido coas axudas do curso 2014/15.**

### Solicitude e documentación.

1. As instancias poderán obterse nos centros e tamén se poderán descargar da páxina web. **Unha vez cuberta a solicitude deberá presentarse, xunto coa documentación**, debidamente asinada polo pai, a nai ou titor/a do alumnado. Todo isto sen prexuízo da sinatura dos membros da unidade familiar computables para renda que sexan maiores de idade, excepto nos supostos de separación ou divorcio, nos cales poderá omitirse a sinatura do proxenitor que non teña custodia.
2. Xunto coa solicitude presentarase orixinal e copia da seguinte documentación co fin de que a persoa que a reciba poida verificar a autenticidade da copia e devolva os orixinais.

### **Alumnado de educación primaria e de educación secundaria obrigatoria.**

a) Libro de familia no que figuren todos os membros da unidade familiar.

No caso de non ter libro de familia, ou se a situación familiar, a día 31 de decembro de 2013, non coincide coa reflectida no libro, terá que presentarse documento ou documentos acreditativos:

- Sentenza xudicial de separación ou divorcio e/ou o convenio regulador onde conste a custodia do causante.
- Certificado ou volante de convivencia.
- Informe dos servizos sociais ou órgano equivalente, que acredite situación familiar.



XUNTA DE GALICIA

CONSELLERÍA DE EDUCACIÓN E ORDENACIÓN UNIVERSITARIA  
**C.E.I.P. «O RAMO»**

Pablo Ares Feal, 28. 15528 Barallobre - Fene (A Coruña) • Telf./Fax 981 360 661  
Correo Electrónico: ceip.oram@edu.xunta.es - Web: <http://centros.edu.xunta.es/ceiporam>



b) No caso de discapacidade dalgún dos membros da unidade familiar incluídos na solicitude deberá acompañarse un dos seguintes documentos que acrediten esta circunstancia a 31-XII-2013:

- Certificado emitido polo órgano competente do grao de minusvalidez cunha porcentaxe igual ou superior ao 33%,
- Resolución ou certificado emitido pola Seguridade Social de pensión de incapacidade permanente nos graos de total, absoluta ou gran invalidez
- Documentación acreditativa da condición de pensionista de clases pasivas cunha pensión de xubilación ou retiro por incapacidade permanente para o servizo ou inutilidade.

c) No caso de situación de violencia de xénero no contorno familiar: documentación acreditativa.

**O alumnado de educación especial** unicamente deberá presentar a solicitude de axuda, non sendo necesario xuntar documentación algunha (superior ao 65%). O alumnado cunha minusvalidez igual ou superior ao 65%, só ten que presentar a certificación emitida polo órgano competente do grao de minusvalidez, xunto coa solicitude da axuda. Os menores que se atopen en situación de garda, tutela ou atención de día pola Xunta de Galicia non terán que acreditar os datos da unidade familiar nin do nivel de renda.

3. A documentación que se achegue deberá ter validez no momento da presentación da solicitude.

4. O centro educativo poderá requirir das persoas solicitantes, en calquera momento, aclaración da documentación presentada.

### **Prazo de presentación.**

O prazo de presentación de instancias será o seguinte:

a) Para o alumnado de **EDUCACIÓN PRIMARIA e educación especial: do 2 de xuño ao 1 de xullo de 2015**, ambos inclusive.

b) Para o alumnado de **educación secundaria obrigatoria que formalice a matrícula no prazo ordinario: do 25 de xuño ao 27 de xullo de 2015**, ambos inclusive.

### **Contía das axudas.**

A Consellería aboará as axudas segundo a renda per cápita familiar no ano 2013 (Enténdese por renda per cápita a renda familiar dividida entre o número de membros da unidade computables):

#### **Educación primaria:**

- Familias monoparentais:
  - Renda per cápita familiar ata 6.000,00 €: 170 €
  - Renda per cápita familiar desde 6.000,01 ata 9.000,00 €: 90 €
- Resto das familias:
  - Renda per cápita familiar ata 5.400,00 €: 170 €
  - Renda per cápita familiar desde 5.400,01 ata 9.000,00 €: 90 €

#### **Educación secundaria obrigatoria:**

- Familias monoparentais:



XUNTA DE GALICIA

CONSELLERÍA DE EDUCACIÓN E ORDENACIÓN UNIVERSITARIA  
**C.E.I.P. «O RAMO»**

Pablo Ares Feal, 28. 15528 Barallobre - Fene (A Coruña) • Telf./Fax 981 360 661  
Correo Electrónico: ceip.oramo@edu.xunta.es - Web: <http://centros.edu.xunta.es/ceiporamo>



- Renda per cápita familiar ata 6.000,00 €: 180 €
- Renda per cápita familiar desde 6.000,01 ata 9.000,00 €: 104 €
- Resto das familias:
  - Renda per cápita familiar ata 5.400,00 €: 180 €
  - Renda per cápita familiar desde 5.400,01 ata 9.000,00 €: 104 €

No caso de que nunha mesma unidade familiar existan varios alumnos ou alumnas que reúnan os requisitos para ser causantes destas axudas, percibirase a contía que corresponda por cada un deles, segundo o establecido nesta convocatoria. O alumnado matriculado en **educación especial**, en centros específicos ou en unidades de educación especial en centros ordinarios, así como o que presente unha minusvalidez igual ou superior ao 65%, que solicite a axuda e que cumpra os requisitos desta orde recibirá un importe de 250 €, con independencia da renda per cápita familiar.

Os menores en situación de garda, tutela ou atención de día pola Xunta recibirán a axuda máxima.

Nesta convocatoria, para os efectos de determinar a renda per cápita familiar, terase en conta a situación persoal e familiar en **31 de decembro de 2013 e o exercicio fiscal 2013**, e computarán por dous os membros discapacitados (+ 33%) con pensión permanente total, absoluta ou grande invalidez. **Non se terán en conta os fillos nados, adoptados ou acollidos despois desta data.** A renda familiar obterase por agregación das rendas de cada un dos membros; **sumar recadros 366 e a 374 da declaración.** No caso de non presentar declaración teranse en conta os ingresos netos de todos os membros computables da unidade familiar. O solicitante autoriza ao órgano xestor para comprobar a través da AEAT e da C. de Facenda a veracidade dos datos de carácter tributario declarados na solicitude

**É obriga dos beneficiarios das axudas:**

- a) **Destinar o importe íntegro á adquisición de libros do texto propios do curso académico para o que se solicitou a axuda.**
- b) Cooperar nas actividades de inspección e verificación da Administración.
- c) **Conservar en bo estado os libros adquiridos e incorporalos ao rematar o curso a un fondo solidario (banco de libros) que se constituirá no centro (agás os de 1º e 2º EP).**

**EN BREVE SE DARÁN INSTRUCIÓNS PRECISAS PARA O ALUMNADO QUE O VINDEIRO CURSO 2015/16 ESTEAN ESCOLARIZADOS EN 3º E 5º DE PRIMARIA.**

**O Equipo Directivo**